

中國方志叢書·華北地方·第四八七號


據

民國·蕉封桐修，蕭國楨纂
民國二十年鉛印本

影印

河南省

修武縣志



成文出版社有限公司印行

中國方志叢書·華北地方·第四八七號

據

民國·蕉封桐修，蕭國楨纂
民國二十年鉛印本

影印

河南省

修武縣志



成文出版社有限公司印行

中國方志叢書·華北地方·第四八七號

據

民國·蕉封桐修，蕭國楨纂
民國二十年鉛印本

影印

河南省

修武縣志

成文出版社有限公司印行

中華民國六十五年

月臺一版

修武縣志

全三冊

發行人：黃

成

助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

中華民國二十年十二月出版

修武縣志

新鄉修文印刷所承印

勘誤表

卷一凡例

第一頁第八行第十八字應兩稱字誤兩種

第十六行第二三字應數倍誤倍數

第二十行第八字應鳥字誤鳥字

疆域

第二頁第四行第九字應太字誤大字

第八行第十二字王里長屯王字不清似玉

第十一行第七字應寧字誤寧字

第十三行第二字應城字誤域字

第二十七行形勢二字應頂格

沿革

第六頁第二十二行第三十三字應乞字誤乞字

第七頁第二十八行第四十三字幽字下缺也字

第十頁第二十六行北齊移修武節應頂格
第十二頁十九行第一字應併字誤並字

卷二輿地

故城攷

第一頁第三行故城攷攷字誤改字
第二頁第十一行第十八樊字下多注字
第三頁第十三行第十一字應城字誤域字
第三頁第二十四行第九字應普字誤普字
第四頁第十七行第三字應臧字誤藏字
第二十四行第十字應似字誤侶字
第二十七行第二字應城字誤域字
第五頁第六行第四字應未字誤末字
第二十一行第十一字應辨字誤辦字
第二十三行第三十三是字應在濁鹿之上

第六頁第三行第三十七理字下缺志字

山川

第九頁第六行第三字應南字誤北字

第十一頁第十行第二十一字應候字誤侯字

第十九頁第十三行第十九字應鳴字誤鳴字

第二十四頁第二十六行第十七字應苦字誤若字

第二十六頁第四行第十五字應乾字誤乾字

第五行第二字應廩字誤稟字

第十九字應辨字誤辦字

第二十五行第十字應東字誤泉字

修武縣志敘

縣之有志猶國之有史也予蒞任伊始而修武之縣志適成修志諸君請予爲敘因呈所修縣志十六卷其中門分十五以綱統目秩然不紊予繙閱再三而不禁有感於懷也考修武縣志自明迄今修之者六惟馮志尤膾炙人口以其考據詳確義例謹嚴足爲後人之標準也是以諸君修志謹遵頒示縣志大綱而以取法馮志爲依歸值此風氣大開文化日進勢不得不隨時轉移以補馮志所未備然寓守舊於維新之中則其所以維新者皆其守舊之心所變而通者也當河南議修通志時嘗頒示縣志大綱意謂縣志不修通志無所用其採擇也乃催辦雖嚴告竣者少時事多艱遂無心於蒐羅補輯比比皆然無足怪也諸君獨能不避嫌疑不辭勞瘁幾經困難終底完備是蓋實事求是之精心所醞釀而發焉者也惟其所見者大故其所及者遠此予所以展卷低徊而喜諸君之有志竟成也且予奉

主席命而承乏修武修武之縣志上有關於政治德教下有裨於風俗人心諸君卽不請予爲敘猶將身預其事窺諸君參考釐訂之苦衷矧諸君雅意殷勤問敘於予其能以不文辭乎予遂援筆而爲之敘

中華民國二十年歲次辛未二月現任修武縣長蕭國楨謹敘

修武縣志敘

予之從事於縣志有年矣歲月如流春秋幾度中心耿耿無日不以修志爲要務也回憶智清趙君充局長時採訪皆得其人予與張籍甫許碩甫陶信臣張臚卿韓仲修朱雁秋周幹五張宇綱張儋生翟紹武諸君同充編輯逮智清以他事遠適懇求辭職衆推敘九陳君充局長時尙馨齋先生任縣長薦皋蘭孫重甫先生充纂修將以尅期竣事也無如籍甫信臣相繼沒世而儋生紹武方以盛年勵學不暇詳爲討論敘九以稿未全脫有妨於重甫先生之纂修也復聘周霽三劉季韓康堯畦趙耀臣崔森垣薛耀三諸君充編輯從此互相商確公推堯畦兼充分纂謹遵頒示縣志大綱而以保存馮志爲標準馮志所有既循規而補其未備馮志所無復仿舊而創使維新志成訂爲十六卷其中門分十五以綱統目與馮志體例無少異焉當重甫先生之齋志以沒也山頽木壞人皆代爲危懼豈知局長提倡於前編輯贊襄於後汲汲進行有志竟成雖纂修乏人無妨也數年來款緇兵興屢形困難諸編輯思所以爲局長藏事者未嘗一日去諸懷予亦幸廁其間而得觀縣志之成也是爲敘

中華民國二十年元月三日邑人焦封桐敘

敘

閒嘗披覽世界史見夫人類進化原具有繼續不斷且繼長增高之精神而其間蛻脫演進之過程每於一部分舊環境中見有一部分新成績發現是人類進化之規範亦足徵史家紀述當然將新舊兩方面事實博採兼搜以表見社會構造內容與人類進化程途歷史與社會有息息相通之妙然後社會與歷史始有互相表證之功但世界史之淵源在各國史而各國史之淵源又繫乎各地方史唯地方史有正確之材料然後國史與世界史迺能具美滿之大觀是實史學通義古今中外不能外也余自民國十三年畢業國立北京大學繼經服務秦豫兩省黨政各界足跡所至輒披覽各地方史如縣志等書見其類多不合史家公例重古輕今偏於一方僅敘錄舊時代之典章將永樹千古人類演進之模型刻舟求劍至堪痛惜比比皆是夫復何言二十年九月奉令長修武縣纂到任之日正修武縣志付印將就之時監印周君沛三等請序於余遂將全書稿本涉略一過藉悉其門分十五卷共十六採馮志之菁英使我國古代文物宛然如見還省頒之大綱將科學化與新潮流之結晶兼收並蓄是可謂會通新舊兩方面之演進實錄適合人類進化之最高原則半生來懸慕於胸中而不能得滿意之答復者今竟於修武縣志而一見之其欣幸為何如也且以修武地居河朔衝要歷年以來因中原多故固無日不沉溺於戎馬倉皇軍書旁午之中修志諸同人竟能抱定決心卓立不搖將人事與文化推行之天然法則雖幾經愁雲

慘霧終能如日月經天發抒其光華於字裏行間以昭示來茲將見修武縣志出版之日卽史學典範確立之時余於是慶修武縣志之成立並慶修志諸公之阻勉將事能見其大也嗟乎天下之作地方史者果能如修武縣志之新舊兼收實現社會嬗遞之真象既不偏於太新致文化根莖無發育可能復不流於太舊使進化精神無寄託餘地有完美精密之地方史自有充實光輝之國史與世界史史學爲科學之宗譜史學組織精良各種科學自能得所嚮導以成其精益求精之結果其關係豈淺鮮哉是爲序

中華民國二十年九月修武縣縣長鞏縣伯修氏李禮耕敘

重修武縣縣志序

日夫天象變而星斗移地理變而滄桑更世道變而地方政教一切典章品類之設施亦必隨之爲變遷日新月異同進於文化所以文獻通考固不必徒辨定文尤不必僅詮名義蓋因革損益時也勢也理也晉之乘楚之檣杙魯之春秋要不能一例視之耳此自推倒專制後縣志在所必修再造共和後縣志又所當修革命成功後修武縣志尤不容不修也閒嘗博覽舊志不知創自何時經馮菽橋先生恐其失時而弗輯也後來無述爰攷確實博采宏通增減咸宜刪存過當貂尾蛇足夫亦何事穿鑿乎惟相去八十年其間風雲變幻潮流長落破五千年之舊惡習開億萬歲之新世界五權憲法事事提倡自由三民主義人人樂得幸福不曰體格缺陷略事例豈得如常况夫人心之趨向世俗之轉移舉凡農工商學及婦人女子莫不力圖其新建設發明其新知識所有關於天地人各種類一切爲民國所維繫爲民國所講求所規定所推行而不可須臾離者豈可不搜羅萬象記載連篇以備他日國民修史之采擇爲中華民國之光乘與然而逸民衆多少連不見經傳孔子刪訂游夏莫贊一詞是修志難修志而得其人更難陳敘九先生山陽名士經緯萬端孫重甫先生蘭皋宿儒綱領統一又得尙馨齋縣長發起之諸鄉紳草創之討論之修飾之潤色之誰不曰輿地九共逸篇可補黃國三輔當見於覃懷衡漳間乎豫修不敏承乏四月愧無補於民生得參與其盛典斯亦莫大光榮焉是爲序

中華民國十七年一月卽夏歷丁卯臘月下旬夷門楊穆修撰

敘

清道光丁酉馮君繼照修是邑之志旣成弁其首曰以金君枚偶之博張君魯巖之書袁君叔英之蒐輯與夫予事餘之所筆於史者參卽已意而一邑之建置沿革政治得失人士貞女節婦之卓然可紀者得以補七十餘年之未備予之幸也今九十餘年矣竊適當增損之會而孫君重甫陳君敘九等茂才能文足繼金張惜余之不如馮君也且余不能愛古百巖之寺自余燬之明月之泉自余汚之萍劍之池解虎之坪皆曩者裙屐之所游憩二樂之臺千佛之洞亦昔騷逸之所嘯歌自余而荒穢之登高撫卷實懷疚於無窮也夫何害哉唯馮君與三君子遊以補七十餘年之未備以爲幸茲余因二君而所謂一邑之建置沿革政治得失人士貞女節婦之卓然可紀者得以補九十餘年之未備也則其爲幸不亦多乎爰爲之序以記余之幸且以識余不能愛古之過焉

中華民國十八年八月日商城柏有章敘

重修武縣志序

信史之廢久矣董狐直筆豔傳今古班馬文章詞藻雄富乃繁稱博引未免有舞文弄墨之嫌晉唐宋明歷代皆有專史連篇累牘率皆記載國家興亡民間風土人情闕而不傳雖有稗官野史亦掛一而漏萬噫可慨已縣志之設所以補國史之所不及凡地方之疆域沿革及古蹟險要人物物產風俗文化分門別類彙集成冊往往歷時久遠物換星移失所考據此續修縣志之期皆以六十年爲定例也修武縣志續修於清季道光年間迄今七十餘載閱時未久搜羅尙易爲功刻下編纂已成行將付梓因款項無着未能藏事泉以全縣文獻所關特捐大洋五百元助成美舉異日全功告竣自堪與長安西湖兩志共傳不朽查修武爲覃懷名勝之區北負太行南啣大河其間礦產豐富人文蔚起山川鍾毓之靈冠絕河朔人情之厚風俗之醇又爲全豫所莫及民國庚午泉督焦作礦政心焉慕之縣志局陳局長叙九囑作序泉本軍人倉皇戎馬架上書早已生塵雖粗通文字亦不敢率爾操觚乃一再函催促迫而成卽史黃門之急就章也甚不足付鴻篇鉅制之末焉是爲序

民國十九年四月穀旦中原公司監督趙仁泉序